

Ibuku rĩa Ngai kũrĩ ciana
nĩrĩrakũrehera



Mũtumia
Gĩthimainĩ



Rwandĩkĩtwo nĩ: Edward Hughes

Rũthathaũrĩtwo nĩ: Lazarus
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani


Rũtungĩtwo nĩ: Bible for Children
www.M1914.org

©2023 Bible for Children, Inc.


Rũtha: Nĩwĩĩkĩrĩtio kuruta kana gucabithia rũgano rũrũ,
angĩkorwo ti rwa kwendia.




Jesũ na arutwo aake maarĩ rũgendoinĩ
makĩgerera Samaria. Magĩkinya itũũra
rĩetagwo Sukaru.



Nĩ haarĩ na gĩthima kũu, kũrĩa andũ a Sukaru
matahaga maaĩ mao ma kũnyua. Jakubu, ithe wa
Aisiraeli, nĩwe weenjete gĩthima kũu tene mũno.




Nogũkorwo mathaa ma mĩaraho riũa nĩrĩarĩite na
kwarĩ na ũrugarĩ. Anogeete mũno, Jesũ agĩikara
hau gĩthimainĩ nao arutwo aake magĩthĩĩ Sukaru
kũgũra irio.





Jesũ arĩ wiiki- no
ti gwa kahinda
kanene. Mũtumia
waikaraga Sukaru
agĩũka gũtaha
maaĩ. Jesũ
akĩmwĩra, "He
kĩndũ gĩa kũnyua."






Mũtumia ũcio
akĩmaka akiuga,
"Kũngĩhoteka atĩa
we, Mũyahudi, ũhoe
gĩa kũnyua kuuma
kũrĩ nĩ, mũtumia
Mũsamaria?"
Matukũ macio,
Ayahudi
matianyitanagĩra
ũndũ na Asamaria.



Nogũkorwo nĩamakire
makĩria rĩrĩa Jesũ
augire, "Korwo no
ũmenye ndĩ ũ, no ũhoe
maaĩ ma muoyo."





Mūtumia akĩĩra Jesũ,
"Mũnene, ndũrĩ na
kĩndũ gĩa gũtaha, na
gĩthima nĩ kĩriku. Maaĩ
macio ma muoyo ũkũruta
kũ? We wĩ mũnene gũkĩra
ithe witũ Jakubu, ũrĩa
watũheire gĩthima gĩĩkĩ...?"







Jesũ akĩĩra
mũtumia, "Mũndũ
wothe ũnyuaga maaĩ
maya nĩakanyota
rĩngĩ. No mũndũ
ũrĩa ũkanyua maaĩ
marĩa ngamũhee...
magakorwo thĩinĩ
wake gĩthima kĩa
maaĩ kĩratherũka
maaĩ ma tene na
tene." Mũtumia ũcio
akiuga, "Mũnene, he
maaĩ macio..."




Jesũ akĩĩra mĩtumia ũcio athĩĩ ageete mũthuuri wake. Mũtumia akĩmũcokeria, "Ndirĩ na mũthuuri." Jesũ akiuga, "Ũkoretwo na athuuri atano. Na ũrĩa ũrĩ nake rĩu ti mũthuuri waku."




Mūtumia ũcio akĩmenya atĩ Jesũ aarĩ mũnabii.
Akĩgeria gũtũma maarie ũhoro wa harĩa Ngai agĩrĩire
kũhoerwo: Jerusalemu kana kĩrĩma gĩtheru kĩa
Asamaria. Jesũ akiuga atĩ ahooi a ma mahooyaga
ithe na roho na ma.



Mūtumia ũcio akĩĩra Jesũ, "Nĩnjũũĩ atĩ Mesia
nĩagooka. Rĩrĩa agooka, nĩagatwĩra maũndũ mothe."
Jesũ akĩmwĩra, "Nĩ ndĩrakwarĩria nĩ nĩ we." O rĩo,
arutwo magicooka. Mūtumia agĩtiga mūtũngi wake
waarĩ wa goro hau gĩthimainĩ na agĩcooka ituurainĩ.






Mūtumia ũcio
akĩira andũ a
Sukaru, "Ũkaai,
muone mũndũ
wanjĩira maũndũ
mothe marĩa
ndaneeka. No
gũkorwo ũyũ
nĩwe Kristũ?"
Andũ makiuma
itũũrainĩ
magĩthĩ
kwĩyonera Jesũ.



Arutwo makĩira Jesũ arĩe irio. No Jesũ akĩmeera,
"Irio ciakwa nĩ gwĩka wendi wa ũrĩa wandũmire, na
kũrĩikia wĩira wake." Wĩira wake waarĩ wa kũreeha
andũ kũrĩ Ngai.



Asamaria aingĩ makĩmwĩtĩkia nĩũndũ wa ciugo cia
mũtumia ũcio. Makĩũria Jesũ aikare hamwe nao; na



agĩikara kũu
thikũ igĩrĩ.

Andũ angĩ aingĩ
magĩĩtĩkia nĩũndũ
wa ciugo cia Jesũ
mwene. Makiuga,
"...nĩtweigwĩra na
nĩtwamenya atĩ
ũyũ nĩwe Kristũ
kũna, Mũhonokia
wa thĩ."



Mūtumia Gĩthimainĩ

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Johana 4

"Ciugo Ciaku ciatarĩrio nĩrehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

